



Claudii Fleurii Abbatis Historia Ecclesiastica

Ab anno Christi 1620 usque ad annum 1623

Fleury, Claude

August. Vind. [u.a.], 1777

VD18 90118855

§. 103. Maffæus Barberinus in Papam electus, nominatusque Urbanus VIII.

[urn:nbn:de:hbz:466:1-67344](#)

Sæc. XVII.
A. C. 1623.

§. CIII.

*Maffæus Barberinus in Papam ele-
ctus, nominatusque Urba-
nus VIII.*

Obstiterant equidem Camponius, & *Gæger hist.*
Serra Cardinales: postquam vero *Eccl.* l. 3.
die sexta Augusti Burghesius & Ludo-^{cap. I.}
vius ceteris Cardinalibus propositum
de eligendo Barbarino manifestave-
rant, una omnes (exceptis paucis,
qui immaturam ejus ætatem obje-
rant) hujus Viri electionem immensis
laudibus extulerunt. Eadem die cun-
ctis fere Cardinalibus in Sixtino facel-
lo congregatis Barberinus inter novif-
simos accessit, ut gratulationes præ-
vias evitaret, sed modestia ejus, pre-
cesque tum æque ac superioribus die-
bus oppositæ præpedire haud poterant,
quo minus plures Cardinales sibi ob-
viam procedentes, eumque honorifice
comitantes haberet; quod tamen ipse
ægerrime tulit, imo rogatus, ut Bevi-
laquam blande alloqueretur, noluit in
id consentire, ne ejus suffragium ivisse
conquisitum diceretur. Habito autem
scrutinio solus viginti sex tulit suffra-
gia, quo comperto Burghesius eum,
velut jam Papam factum, venerari cæ-
pit; ait Barberinus omnino restitit:
post-



Sæc. XVII. postmodum subducta suffragiorum, quæ
A.C. 1623. in accessu lata sunt, ratione, & com-
putato. suffragantium numero unum
deesse compertum est. Censuit Far-
nesius, cæptam nihilominus electionem
esse prosequendam, ceteris omnibus
idem sentientibus, solus tamen Barberinus
obstitit, aut inde turbas oriri
posse veritus, aut sui electionem hac
ratione eversum iri confisus: Accessus
igitur repetitur, moxque reperiuntur
viginti quatuor suffragia Barberino fa-
ventia, quæ junctis illis viginti sex in
scrutinio obtentis confecere quinquaginta
suffragia, nonnisi quatuor defi-
cientibus, quorum unum ipsius Bar-
berini erat: Mox ergo proclamata ele-
ctione Barberinus tum quinquaginta
quinque annos natus, assumpto Ur-
bani VIII. nomine ad Altare progres-
sus, Dei opem ferventissimis precibus,
lacrimisque uberrimis implorabat, alta
voce exclamans: *o Deus! si tuæ Eccle-
siæ non sum utilis, fac, ne vivus quidem
inde discedam,* dein Pontificio habitu
ornatus, atque in Vaticanam Divi Pe-
tri Basilicam delatus, a cunctis Cardi-
nalibus obsequii fidem recepit. Hac
igitur ratione, postquam sacra Sedes
per viginti novem dies vacaverat, per-
acta est celeberrimi hujus Pontificis e-
lectio, in qua haud immerito admi-
randa

randa est Dei Providentia, quæ post Sæc. XVII.
 plenam libertatem per secreta suffra- A. C. 1623.
 gia Electoribus restitutam cunctos Pur-
 puratos ad hanc electionem cum tanta Conclav. de
 efficacia coadunabat, ut eorum potis- Rom. Pon-
 simi faterentur, quod in hisce comitiis tef. p. 674.
 alium præter Barberinum in Papam Ciacon. l.c.
 eligere haud valuerint: præterea Scri-
 ptores coævi testantur, quod paucis
 ante Barberini electionem diebus exa-
 men Apum ex Tuscia supra fenestram
 in futuri hujus Pontificis cella conse-
 difset: quod si fortuito contigit, mi-
 rum omnino est, quod Apes ad cel-
 lam illius Cardinalis, qui ex *Tuscia*
 oriundus pro insignibus gentilitiis *A-*
pes gerebat, in hoc conclavi adhæserint:
 si autem id ex speciali Divinæ
 Providentiæ nutu evenit, haud temere
 judicandum erit, quod Deus hoc signo,
 sicut & columbarum ad Barberini fe-
 nestræ catervatim advolantium augu-
 rio voluntatem suam de eodem in Ro-
 manum Pontificem eligendo suffraga-
 toribus declarare voluerit. Ceterum
 ejus coronatio usque ad vigesimam no-
 nam Septembris diem dilata est, eo-
 quod febri maligna correptus pericu-
 lose decubuisset. Die autem secunda
 Octobris Pontifex Franciscum Barberi-
 num adhuc juvenem Nepotem suum
 pro antiqua consuetudine, quæ, si

Hist. Eccles. Tom. LVII. Aaa ce-

Sæc. XVII ceteris dignior eligitur, corruptela non
A. C. 1623 est, in Diaconorum Cardinalium Or-
dinem cooptavit.

§. CIV.

*Vita hujus Pontificis ante sui ele-
ctionem.*

Heidegger.
Hist. Pap.
tom. 2.
Abrege de
l'hist. Eccl.
tom. 10.

Primam lucem Florentiæ anno Christi milleſimo quingentesimo sexagesimo octo Maphæus ex nobilissima & pervetusta Barberinorum familia natus aspexit. Mentem suam omni scientiarum & virtutum genere excoluit, linguae Græcæ adeo peritus, ut *Apis Attica* diceretur, atque ob florentissimum ingenium, artificium Poeticum & omnigenam eruditionem omnibus admirationi effet. Decimum nonum ætatis suæ annum nondum egressus erat, cum opera Patrui, qui longe dittissimus eum exaffe hæredem dixerat, inter Cameræ Apostolicæ Clericos numeraretur, & paulopost a Sixto V. Referendarii munere auctus a Clemente annos natus viginti quatuor Fanensis Gubernator, demum vero Protonotarius Apostolicus renuntiatus effet. Utetbatur idem Pontifex Maphæi opera ad instruenda acta, quibus Ferrariæ professio, necnon nuptiæ Philippi III. Hispaniæ Regis cum Margaretha Regina firma-